

IlanngussaQ Q



INATSISARTUT

Naalackersuisut Siulittaasuat

Ulloq: 8. november 2013

J.nr.: 01.31.11-00013

TUAVIORTOQ

Aningaasaqarnermut Akileraartarnernullu Ataatsimiititaliap arfininngornermi ulloq 9. november 2013, nal. 13.00 ataatsimiittarfik 1-mi Naalackersuisumik apersuinissaanut aggeqquissut

2014-imi aningaasanut inatsisissatut siunnersuummut tunngasumik Aningaasaqarnermut Ataatsimiititaliap Naalackersuisumik apersuinissaanut matumuuna aggersaasoqarpoq. Aggeqquissummut tunngaviuvoq 2014-imi aningaasanut inatsisissatut siunnersuummut Aningaasaqarnermut Ataatsimiititaliap apeqqutaanut Naalackersuisut akissutaat.

Naalackersuisumik apersuineri makku oqaluuserineqarnissaat ataatsimiititaliamit kissaati-gineqarput:

Apeqquut 1

Apeqquummut tunuliaqutaasq:

Konto pingaarnermut 10.13.10-mut, Iluanaarutinut, aktianik piginneqatigiiffinniit piginneqataassutinut tunisinernullu tunngasumut, allannguutissatut siunnersuut nr. 181. Allannguutissatut siunnersuut Naalackersuisunit ima tunngavilersorneqarpoq: *"Nærværende ændringsforslag fremsættes som erstatning for ændringsforslag nr. 37 ved 2. behandlingen af FFL2014, da der ikke er opbakning til at foretage et salg af Selvstyrets samlede aktiepost i Grønlandsbanken."*

Naalackersuisumik apersuineri akineqartussatut Aningaasaqarnermut Ataatsimiititaliap apeqqutaa:

- a) Namminersorlutik Oqartussat ingerlatseqatigiiffimmit pigisaannit aktianik tunisineq eqqarsaatigalugu allannguutissatut siunnersuutip matuma allannguutissatut siunnersuummut nr. 37-imit suna allaanerussutigaa. Tunisineq niuerfimmi atugassarititaasut nalinginnaasut naapertorlugit piva?

Apeqquut 2

Apeqquummut tunuliaqutaasq:

Konto pingaarnermut 10.13.11-mut, Aktiaateqarluni ingerlatseqatigiiffinnut aningaasanngorlugit aningaasartuutinut tunngasumut, allannguutissatut siunnersuut nr. 198. Allannguutissatut siunnersuut Naalackersuisunit ima tunngavilersorneqarpoq: *"Der afsættes midler som konsekvens af vedtagelse af beslutningsforslag om etablering af et aktieselskab og anlæggelse af en ny containerhavn ved Nuuk (punkt EM2013/18)."*

Naalackersuisumik apersuinermi akineqartussatut Aningaasaqarnermut Ataatsimiititaliap apeqguta:

- a) Sikuki Nuuk Harbourimi niuernermit pilersaarummi allassimavoq nammineq aningaasaatinit aningaasangorlugit aningaasaliissutigineqartut 140 mio. kr.-iussasut. Sooq taava taamaallaat 45 mio. kr.-it aningaasaliissutigineqarnermut paasinarsisinnerqassasoq ataatsimiititaliamit kissaatigineqarpoq.

Naalackersuisumik apersuinermini allanik aamma apeqquteqarnissani ataatsimiititaliap naatsorsuutigisimagaluarpa, allakkatigulli akissutit sukkasuumik tiguneqarsinnaanerakkuersaarneqarsinnaammat allakkatigut akineqarnissaat siunertaralugu apeqqutit ilassutaasut uku apeqqutigineqarput.

Apeqqut 3

Apeqqummut tunuliaqutaasoq:

Konto pingaarnermut 10.13.10-mut, Iluanaarutinut, aktianik piginneqatigiiffinniit piginneqataassutinut tunisinernullu tunngasumut, allannguutissatut siunnersuut nr. 181. Allannguutissatut siunnersuut Naalackersuisunit ima tunngavilersorneqarpoq:
"Nærværende ændringsforslag fremsættes som erstatning for ændringsforslag nr. 37 ved 2. behandlingen af FFL2014, da der ikke er opbakning til at foretage et salg af Selvstyrets samlede aktiepost i Grønlandsbanken."

Naalackersuisumik apersuinermi akineqartussatut Aningaasaqarnermut Ataatsimiititaliap apeqguta:

- a) Grønlandsbankenimi aktiaatimik ilaat qanoq annertutigisut tuninissaat Naalackersuisut pilersaarutigaat? Aktiat qanoq amerlatigisut qanorlu nalillit pineqarpat?
- b) Aktiat Greenland Venturemut tunineqarnissaat pilersaarutigineqarpoq. Aningaasaatimik atoriaannaat aktianik amerlasuunik pisinnermut atorneqarnissaat Greenland Venturep anguniagaanut ilaasoq Naalackersuisut isumaqarpat? Ingerlatseqatigiiffinni allani Greenland Venture taamatut aningaasaateqarneranik Naalackersuisut ilisimasaqarpat?
- c) Nunatta Karsiata amigartoorutaanut aningaasalersuutissat ilaattut atorneqaannarnissaat Inatsisartuni partiinit naammagineqanngilaq. Namminersorlutik Oqartussat ingerlatseqatigiiffiannut tuninerisigut pissutsit allanngortutut Naalackersuisunit isigineqarpat?
- d) Tunisinermi iluanaarutit aningaasalersuutigeqqinneqarnissaat eqqarsaatigalugu ingerlatseqatigiiffimmut tunisinikkut suliaasaq allatut inissittutut Naalackersuisunit isigineqarpat?

Ataatsimiititaliap Naalackersuisumik apersuinerata Naalackersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalackersuinermit tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsisinnegarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik apersuinerata kinguninngua uunga nassiunneqarnissaa qinnutigineqarpoq: sakkak@ina.gl. Allakkiaq ataatsimiititaliap Naalakkersuisumik apersuinissaanut nassarneqarpat atorneqarpallu taasuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga

Finn Karlsen
Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq /maani

Aningaasaqarnermut Akileraartarnermullu Ataatsimiititaliamit isumasioqatigiinnermi apeqqutinut akissuteqaat

Aningaasaqarnermut Akileraartarnermullu Ataatsimiititaliaq tallimanngorneq 8.
novembari apeqqutinik ataasiakkaanik nassiussivoq aammalu arfininngorneq 9.
novembari 2013 isumasioqatigiinnissamut qaaqqusilluni.

09-11-2013
Sags nr. 2013-092081
Dok. nr. 1387957

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Apeqqut 1

- a) Namminersorlutik Oqartussat ingerlatseqatigiiffimmit pigisaannit aktianik tunisineq eqqarsaatigalugu allannguutissatut siunnersuutip matuma allannguutissatut siun-nersuummut nr. 37-imit suna allaanerussutigaa. Tunisineq niuerfimmi atugassariti-taasut nalinginnaasut naapertorlugit piva?

Akissut:

Grønlandsbankimi aktiat affaasa tunineqarneranni Naalakkersuisut qulakkiissavaat Namminersorlutik Oqartussat aktiaataasa Naalakkersuisunit toqqaannangitsumik pigineqaannarnissaat, pissutigalugu Namminersorlutik Oqartussat Greenland Holding A/S-imik piginnittuummata. Affaannut nakkutiginninnerup ingerlaannarnissaa Naalakkersuisuniiginnassaaq.

Siunissami iluanaarutit akilerneqartartussat Greenland Holding A/S-imi taamaalillunilu Namminersorlutik Oqartussani patajaallisaannermut iluaqutaassapput. Taamaalilluni siunissami iluanaarutaasartussat inuiaqatigiinni iluaqusiisarnerat ingerlaannassaaq. Taamaalilluni oqartoqarsinnaavoq Namminersorlutik Oqartussat "silvit kingornussat" tigumiinnaraat.

Tunisineq niuernikkut atugassarititaasut nalinginnaasut tunngavigalugit pissaaq. Namminersorlutik Oqartussat aktiaataasa ingerlatseqatigiiffimmut allamut Namminersorlutik Oqartussanit pigineqartumut tunineqarneranni iluanaarutissanik pilersitsilluni ilusiliineq assigusoq, 2011-imut Aningaasanut inatsimmut atatillugu Naalakkersuisut siulitta atorpaat. Taamanikkut Greenland Venture, ISCO A/S-imut (maannakkut Greenland Holding A/S) tunineqarpoq. Aktianik tunisineq taanna 70 mio. koruuningajalluinnarnik iluanaaruteqarfiuvoq, niuerneq 2011-imi naliliinermik nalunaaruteqareernerup kingorna piviusunngortinneqarmat.

Apeqqut 2

- a) Sikuki Nuuk Harbourimi niuernermut pilersaarummi allassimavoq nammineq aningaasaatinit aningaasanngorlugit aningaasaliissutigineqartut 140 mio. kr.-

iussasut. Sooq taava taamaallaat 45 mio. kr.-it aningaasaliissutigineqarnersut paasinarsinneqassasoq ataatsimiititaliamit kissaatigineqarpoq?

Akissut:

Ingerlatsinissamut pilersaarummi kingullermi allassimavoq 180 mio. koruuninik nammineq aningaasaatinut akiliuteqartoqassasoq, kiisalu aktiaatileqatigiiffissaq Nuummi umiarsualivimmik ingerlatsinissamik siunertaqartoq aningaasannortitsiviginiarlugu aammalu nunami namminermi umiarsualivimmik containerersorfiusussamik pilersitsinissamut umiarsualiviit pioreersut aallarniutissatut akiliutigineqassasut.

Inatsisartut Aningaasaqarnermut Akileraartarnermullu Ataatsimiititaliaata akuersineratigut, missingersuutinut sunniuteqanngitsumik ilassutitut aningaasaliissuteqarnikkut 2013-imi 135 mio. koruuninik aallarniutissatut akiliuteqartoqassaaq. 2013-imi aallarniutissatut akiliutaasut RAL-imit pissarsiassanit annertunerusunit 25 mio. koruunit aammalu Nukissiorfinni taarsigassarsinissamik pisariaqartitsinerup annikillineqarnerani 110 mio. koruunit missingersuutinut sunniuteqanngitsumik nuunneqarnerisigut aningaasalersorneqarput. RAL tamatumunnga missingersuusiorpoq aammalu ingerlatseqatigiiffimmi ingerlatsineq sunnerneqassanani. Nukissiorfiit taarsigassarsinissamut pisariaqartitsinera 110 mio. koruuninik annikillismavoq, aammalu nuussineq ingerlatseqatigiiffiup ukiunut qulinut sanaartormermi pisussanut pilersaarutaanut kingullermut naleqqussarneqarpoq. 110 mio. koruunit taakkua Sikuki Nuuk Harbour A/S-imi akisussaaffeqartumik taarsigassarsianut aningaasassatut aallarniutitut akiliutigineqassapput. Ingerlatseqatigiiffik pilersinneqareerpat aammalu patajaallisarneqareerluni, aallarniutitut akiliutaasut nunap karsianut utertillugit akilerneqassapput. Sinneruttut 45 mio. koruuniusut RAL-imut isumaqatigiissut tungavigalugu pingajussaanneerinissamut allannguutissatut siunnersuuteqarnikkut 2014-imi aallarniutissatut akiliutigineqassapput.

Ingerlatseqatigiiffiup aningaasalersorneqarnissaata ingerlatsinerullu patajaanninngortinniarnernanut suliaqarneq suli ingerlavoq, taamaattumik allannguutissatut siunnersuut aamma 10.13.10-imi Iluanaarutit, aktianik piginneqatigiiffinniit piginneqataassutit tunisinerillu, iluanaarutitik akiliuteqarnerit annertunerulersinnissaannut aammalu 10.13.11-imut Aktiaateqarluni ingerlatseqatigiiffinnut aningaasannorlugit aningaasartuutit, aningaasaliissutit taamaaqataani annertunerulersinnissaannut oqaasertaliussamik Naalakkersuisunut piginnaatitsisumik imaqarpoq. Ataatsimut katillugu aningaasassanik pisariaqartitsineq, sanaartormermut missingersuutit annertunerusumik piukkunnarsarneqareerpata, tamatumalu kingorna aningaasalersuinerumut sullissivinnit taarsigassarsinissamut neqeroorutitik aalajangersimasunik piniartoqareerpat, aatsaat inaarutaasumik ilisimaneqalertussaapput.

Apeqquut 3

- a) Grønlandsbankenimi aktiaatimik ilaat qanoq annertutigisut tuninissaat Naalakkersuisut pilersaarutigaa? Aktiat qanoq amerlatigisut qanorlu nalillit pineqarpat?
- b) Aktiat Greenland Venturemut tunineqarnissaat pilersaarutigineqarpoq. Aningaasaatimik atoriaannaat aktianik amerlasuunik pisinermut atorneqarnissaat Greenland Venturep anguniagaanut ilaasoq Naalakkersuisut isumaqarpat? Ingerlatseqatigiiffinni allani Greenland Venture taamatut aningaasaateqarneranik Naalakkersuisut ilisimasaqarpat?
- c) Nunatta Karsiata amigartoorutaanut aningaasalersuutissat ilaattut atorneqaannarnissaat Inatsisartuni partiinit naammagineqanngilaq. Namminersorlutik Oqartussat ingerlatseqatigiiffiannut tuninerisigut pissutsit allanngortutut Naalakkersuisunit isigineqarpat?
- d) Tunisinermi iluanaarutit aningaasalersuutigeqqinneqarnissaat eqqarsaatigalugu ingerlatseqatigiiffimmut tunisinikkut suliassaq allatut inissittutut Naalakkersuisunit isigineqarpa?

Akissut a):

Namminersorlutik Oqartussat ataatsimut katillugit aktiaataat ullumikkut 246.000-iupput, ullumi aningaasat nalingat malillugu ullumi aningasap nalinga 660-ummat niuernermi nalinga mio. kr. 162,4-iulluni. Apeqqummut 1-imut akissummi nassuiarneqartutut Naalakkersuisut aallaqqaammut affaannai 123.000-iusut 80 mio. koruunit missaannik naleqartut tuniniarpaat.

Akissut b, c, d):

Aningaasaat aallaqqaammut Nunap karsianut tutsinneqassapput. Tamatuma kingorna Naalakkersuisut aningaasat suliassanut suliniutinullu ilaatigut naalakkersuisooqatigiinnissamut isumaqatigiisummi nassuiarneqartunut pingaarnersiunerme tutsissamaarpaat.

Aktianut aningaasaliinissaq Greenland Holdings A/S-ip ingerlatsinissamut pilersaarutaani killissaliussat iluaniippoq. Aammattaaq Grønlandsbankimi aktiat pappialaapput "patajaatsorujussuit", taamaattumillu Greenland Holden A/S-ip aningaasaqarnikkut pisinnaassusaanik sunniissanani. Allatut oqaatigalugu Grønlandsbankimi aktiat pappialaapput aningaasalersuisarnerup silarsuaani aningaasatuulli "patajaatsigisut".

Greenland Venture-p assigiinngitsunik aningaasaliiffigisimasai suliassaqrifiit arlalippassuupput. Ingerlatseqatigiiffik suliffeqarfimmi aningaasaliigaagat, tamatigut ingerlatseqatigiiffik tunngaviatigut aktianik pisisarpoq. Ingerlatseqatigiiffiup ataatsimut katillugit ingerlatseqatigiiffinni ilaaffigilerlugit suliqaarfigisaasa erseqqinnerusumik nassuiarneqarneranut, Greenland Venture-p 2012-imut ukiumoortumik nalunaarusiaa innersuussutigineqarpoq.

Inussiarnersumik inuulluaqquillunga

Aleqa Hammond
Naalackersuisut Siulittaasuat